

聖宋名賢五百家播芳大全文粹卷第三十七

謝啓

第一人及第

謝狀元及第啓

馮京

雲龍之庭方第英選竇衡之士輒與魁倫據失其安撫然自悻恭以國家覃洪邕之德立太平之基朝廷臯夔岳牧呂召文章臺閣高蹈商周之淳禮樂膠庠遠駕漢唐之右何治臻此真賢効歟豈不由數路而求上聞無雍雖然茲一介之技官使適當其取士也周其得人也盛然猶虛懷未沃側席尚勞羊鴈草萊弓旌巖穴無郡不趣駕无鄉不獻書雜遝充庭覽輝而下光華逢旦從曾壑自期向非李四部書才万人敵无蹠蹕之近韻有濟寧之深圖則何以副上疇咨爲人幸首如公者生江湖卑薄之地遠京師英雄之躔徒憑藉於家傳復浸淫於儒治然而辭氣骫骳不合古人經術䟽通難應常敵每惟奉檄之過喜又讀考槃之卒章以養千榮俯身

圖進詔方牒選郡以計偕射澤幸旌已无心於唱獲尚方奏牘敢先意以觀書雖玷名聞卒虞報罷豈謂日月居上不弃幽而照臨權衡在前不擇物之輕重夫何管見偶中科程曾是下中之材敢當第一之選焉能致此信有由然此蓋伏遇 某官宗師上文器育名士大鈞坳北難逃直宰之私蟠木輪困本自先容之賜致茲淺陋及此旌揚謹當激昂自持磨勵无玷今而試治養及清白之風必也造庭免蹈阿諛之節毋愆雅志以合隆恩

謝狀元及第啓

劉輝

楓宸序進方拜於天威臚唱下傳遽登於選首名隸恩書之表躬華服賜之榮寵渥甚優省循增愧竊以聖人分職貴乎量材君子入官中乎博選材拔乎類然後不次而幸幸足乎已然後有爲於時是以任人無廢功在朝无倖位茲君臣之大節寔古今之常行我國家急於求賢委之爲治詠菁莪而長育法卷阿而詳延闢舜四門開漢數路巖浦公隱處我毅中相器將材由此塗出羣職

盡翹翹之楚百年陶濟又之寧巢由季質而尚訪逸民臯夔盈庭而猶思多士故於間歲設此雋科飽六經者欲挽其滯淹抱碩畫者欲速於甄擢一封渙汗四海嚮風于于而振衣冠斬 又而見頭角與鄉書者損之過半試辭省者收之幾稀披荆取蘭剖石求璞意欲精擇勢當至難在於明庭尤責茂實限畧刻而奏藝延旬浹而考文庇摘或形雲滓相貌覆較良然之選欲收卓爾之賢惟大蓄其德者居之則宜非深造乎道者得之爲謬上以副虛宸襟而籲後下以見陟身衢而正君苟屬匪人曷壓羣議如公者朴野庸質遐癖寒門文无淵源幼則孤苦親亡而兄弟喪貲竭而賓舊踈陋室晝倚无簞瓢而自樂隻形弔影任萍梗以何之絜空橐而起江湖冒紅塵而客京国棲遲太宰齟齬百端漸漬訓言粗究經綸之略覬覦斗祿勉加篆刻之功不自愧羞時以進取兩冠士籍固非和氏之珍一黜春闈有類齊門之瑟默量空瑣分欲退藏幸逢盛辰恥爲弃物遽承明詔再奮懦心復濫齒於薦書又例偕於

奏籍衆呈文於左城尤縮手於淵題牽傳僅成駝駝殊其揣蹇
難之常分在寤寐而弗皇深憂閭市之民賈而不售豈意危巢之
鷓鳴輒驚人勅敵在前戰非必勝素修亡狀譽出不虞朝乃窮
民暮躋魏級顧惟最爾豈有致然茲蓋伏遇 某官潤色帝猷埏
陶士類權衡待物日月照幽擴摠采菲之仁始終推轂之賜致茲
枯朽亦遂滋榮謹當充實四端砥礪一節少成事業上答恩休過
此以還未知所措

及第

謝第三名及第啓

張全真

自惟陋質偶中魏科頌此遭逢出於幸會竊以六藝之文自昔
以傳道三代之上无意於爲文道既失而章句始興文寢隆而義
理愈晦上則設爲科目以取天下之士士則競持枝葉以應縣官
之須隨時抑揚與世馳逐苟以譁衆取寵不知其非爭爲巧說便
辭用以自售明經者但懷青紫之意魁首者適貪車服之榮以彼
其人初若可用既施於事頗或不然蓋夫實不至而唯名之求利既
勝而於道爲病今天子勵精求治崇化尚賢務惟政要之謀閱茲
氣俗之陋俾造大朝承聖問勿事虛文方下明詔發德音詎應故
事所宜各露肝膽著在簡編科別其條尺言无諱上副諮詢之意
敢懷利祿之圖而公性本蠢愚身更貧困竊習易象之奧粗識
聖經之微謂開物成務足備於此書而極深研幾斯可以御世蓋
嘗探蹟索隱俯察仰觀內揆一身外替万事迺知文武之道未墜
而猶存不歸堯舜之君持是而安往幸因策試獲事聖明自信于
衷敢肆其說內既深慙於猥并衆猶或病其闊踈竊憂雅圭之文
有不應於甲令又懼公孫之第且見貶於大常豈期偶當上心遽
蒙親擢處之數百輩之上獨在二三人之中重以不才夫何所取
得之非意可謂至榮此蓋伏遇 某官親秉國鈞上毗王政居然
化育遂茲品物之宜凡所稱量妙尺權衡之信故令公蹇顯與甄
收公謹當自省初心無忘故季歲幾四十雖未登无大過之年德

罔二三亦庶幾不遠復之吉或晚成於器業庶仰答於恩私

謝及第啓

秦燿

春闈較藝已誤甄收天陛賜科更叨親擢名浮於實愧甚於榮竊
惟載籍之傳深著坦明之制上之取材也必求實用士之爲學者
不俟空言雖居環堵之中已懋佐時之略躬耕莘野期斯道以覓
民爰起傳巖遂交修而迪后蓋蓄積之有素豈僥倖於偶然千
載之逢一見而決爲選幸之本意將網羅於若人既平中世之陵
夷匪復前蹤之髣髴第文字祗謀於利祿志靡在於經綸棄舊俗者
下喬而出幽求速售者交情而徇勢高談王道謂周召而廼留
夷考事功終管晏之弗及顧規模之陋矣嗟人物之眇然肆吾皇
之紹開屬昌期之興起表章聖教發明六藝之歸潤色光猷度越
百王之上方魏又而措治茲汲汲於得人遵三歲之規驟發由中
之詔借四方之計朋來拔萃之才逮宗伯之貢名御廣朝而臨試
威顏咫尺清問丁寧格上帝而紹祖宗行孝治而安社稷慮万幾
之有關合羣言而博詢畢竭巨愚求稱上旨是必議論誠當世之
務文章追作者之風講天人之際如仲舒明治亂之原如賈誼仰
膺帝幸庶協衆心如人者性質甚卑淵源猶淺佩父師之教詔樂
朋友之漸摩第求家季之傳寧計世資之取謂一行作吏必將
奔走於簿書而万卷有神曷若周旋於簡冊莫窺閫奧徒積歲陰
悵素志之未充懼修名之不止寔慚韓愈自謂无孝而能敢効文
饒恥就有司而試攀英豪之逸駕乏翰墨之新功縱更欲前回皇
失決幸諸公之過聽與多士以同升釋僑離疏俛泥塗之辱馭
風騎氣獲從汗漫之游內省靈庸獨憂忝冒茲蓋伏遇 某官善
惟引類仁欲達人默付无心可謂至公之選一經精鑒孰懷偶失
之憂士喜過於知音弊悉更於往轍致茲薄技亦玷殊科公敢不
克已好修服膺知勉仕非爲祿雖自肯於夙心才不逮人恐漸忘
於故步並益勤於大業期少答於深知過此以還未知所措

謝及第啓 第一人

陳誠之

楓宸射策仰酬樂只之誠宣陛第同叨中袞然之選祗膺渙文深切兢慚竊以聖世搜賢非止春得於故事儒冠奏藝豈徒崇尚於虛文欲其明於道而達於時是以考其言而求其効自成周幸士之法壞至西漢取人之路多寢更魏晉之空踈荐歷隋唐之綺靡士風澆薄而操守无當道術缺裂而議論不公人况經術之弊至於乖異而尚專門辭章之失至於雕篆而暗大體雖人材之盛號出於流輩而科目所得何補於國家追還上代之純風允屬中興之華日皇家投戈講藝歸馬修文詳延四海之時髦荐講二年之里選講王體而斷國論雖式資鈞軸之臣下明詔而發德音猶博訪草萊之士秉謙冲而在御發清問以臨庭俯收藥石之言尺指擊聾說之說毋甚高論漢文所以命張釋之莫取虛名盧敏所以告魏文帝茲實大公至正之選宜得絕類離倫之人自非洞識時宜詳達國體如仲舒好古平昔所蘊者尺發於三篇如姚崇自知始終所行者不外於十事則何以上副宸旨下當衆心如某者未匪過人行惟修已軌躅聖賢之訓箕裘詩禮之家少成慕曾省之三壯識愧淵知之十歲陞黌館分經舊旨於无雙季試鄉闕較賦復居於第一然而發辭未廣困躓无多意增益不能而先拂其所為故龜勉不及而猶恐其或失幸隨鳳詔忝預鵠書勉陪濟又之後躔儀掃堂又之文陣十陪增價喜逢伯樂之知一鳴驚人頓覺齊庭之聽退惟虛冒實有黃緣茲蓋伏遇 某官間世碩儒斯民先文見當吾道不傳之任振斯文久墜之餘謂孝者徂於見聞競肆異同之論以公道正其取與用敦教化之原既嚴選以待其才又兼收而无弃善遂令辱瑣亦預品題公敢不益勵操修磷全業復動整羅鷄之誦勉全制表錦之能滲漉恩生上蒼飛龍之造帡幪庇厚永懷棲燕之安至此以還未知所措

謝及第啓

李成季

興能而出治雖先王本俗以教民有德者必言故近世攷文而取士發於里選簡在帝庭暮辭褐博之卑朝飾青緇之貴聖人由

是而政立君子資之而道行豈宜承孝之瑣材冒廁諸儒之上列
恩深渙汗愧若負芒嘗聞欲治之君以得士為難非常之材必待
時而奮合謀以計其事兩作以離其明博德允元二帝襲衣裳之
化尚賢紬惡三王同道德之端九官備而百工釐八政齊而五士
率作人以東序西序辨志於小成大成論然後官无假人之名器
教之不率有移化之郊鄉後世失教育之方孝者喪艾淑之實天
地之全既缺性命之理益微操守不經繡已加於鞶鞶童昏益亂
巧尚弊於雕蟲於皇我朝奮越治古方大明嗣服之始寔百度作
新之時發揚聖經蕩除末季神奇出而真腐化糟粕弃而醇精
流養成材於浸潤之微成德性於高明之至近觀之則言行斯富
大用之則禮樂可興自昔所難於今為易為飛魚躍莫知鼓弄
之神雲翔風從來格光華之會如公者器惟拘小性匪近中論世
讀書嘗慕古人之遠遊心竄句尚迷俗季之迂加之禍患侵陵事
為乖迂三人行而二人感欲往何之一日暴而十日寒所存能幾
以謂否必有喜窮當益堅幸留涸轍之軀復鼓敗軍之勇類陪歲
貢再踐春闈偶中甄於下陳旋奔哀於故里生无以養逝者何追
祿不逮親仕斯可已度餘年之殘槁憫衰系之飄零勉奉寬息竭
來上國平日寡彈冠之援高門无曳履之遊術本甚疎誰恤不龜
義難自達耻為躍冶之金接武掖門觀光滿座觸神遊於感忽奉
清問於雍容心目雖明氣辭幾困少年而動文帝固慙賈誼之才
徒步以見太宗竊感馬周之遇各使發言而觀志僅能引古以御
今盈溝之雨易窮暴日之暄奚補既乏甚高之論但虞无赦之誅
舜用五臣蓋尽至精之選拜虧一矢遂无必中之功尚優片善之
求過預六人之列量材匪稱戴寵若驚此蓋伏遇 某官大雅存
心至誠格物知識足以發天人之蘊聞譽是以為邦家之光才富
而若虛德高而善下憫不能而如已无求備以與人過致繆庸輒
承甄採敢不行其所季不忘蚤夜之思慎乃終身少吝生成之賜

謝及第啓

晁之道

大廷獻策當安奏於朴忠哲鑒辨才亦與榮於群俊豈愚者必有一得蓋明主可爲至言幸非所宜榮以爲懼切惟國家柄大公而取士闢數路以官人謂辭藻所以程才故精以淵雲之賦謂經術所以造士故首以周孔之文試益謹於端門策加詳於祕殿人思在列字愈專精閭里之間笑不談於仁義公卿之胄耻獨美於膏粱雖幸承家无忘獻藝競篤青箱之字爭先黃絹之辭豈以捷徑而並趨蓋耻前人之不逮上方勸孝士已成風一出此途多至名士欲副其盛之選宜得非常之才如公者文字不適時與非涉道一官聊爾似是馬曹淺尚邈然不堪吏職文字盡軻之求已甘鄧禹之笑人雖獨好於簡編本不長於科辛勇慙州綽詎合先鳴李謝公孫果羞復上徒以遇時千載食德百年四世繼直於書林五葉踵登於辭級殆无虚榜並繼芳塵後生或以爲難能前輩亦許其盛事願雖極陋亦耻无功幸三駕之有成廿十年之不調窮雖借一氣尚當留千唯人才本出於下中故名字難著於甲乙圖王得伯雖匪初心轉衣爲裳未爲失計爲蜀時家甫入與考官當漢殿之臚傳越周行而告謝摺紳贊喜父子知榮雖中鵠之未工庶續貂之已幸退循忝冒實有多負緣此蓋伏遇某官盛德熙朝高風蓋世文章議論後進宗師道德淵源九牧稱歎謂育才所以爲報故使人樂其有成憐此孱庸假之歲月俾不迷於簿領庶或就於声名凡茲尺寸之功尽出悁悁之賜公敢不益堅短尚期稱厚息塵即望於堦墀力願殫於犬馬阮瞻三語自分非才酸蔑一言竊嘗有志過此以往未知所裁

謝及第啓

唐 子西

射策楓宸已甘退黜第名桂籍尚獲采收叨被寵榮惟知感既切以文章君子之餘事忠義天下之大閑國之休戚不係於文章士之進退莫先於忠義方 天子臨軒而策士豈徒求摛藻之華而諸儒充賦以在庭蓋亦取切時之論欲考終身之節必觀茲仕之初宜有謹言少裨睿聽如公者少不好孝老方讀書左右圖

史者十年涉獵經傳者万卷杜心浸癖竇性成凝雖古成敗之
原粗知其略而篆刻彫蟲之文字本非所長妄意揀金謾來市
璞青天万里堪嗟蜀道之難白雪一声難和郢中之曲笙琴
異好水石難投自知與世不諧幾欲拂衣而去因緣附驥僥倖化
鵬入瞻天日之光親奉絲綸之詔周詢要務冀獲至言願為學
之荒踈愧乎无補若與時而高下誠所不為姑尺節以惓惓寧抱
關而碌碌夫何獻白亦預拾青此盖伏遇 某官匠石群材鈞鎔
衆竈與人而不求備嘉善而矜不能苟有寸長未加尺退謂其
辭雖鄙訥論不將迎棄在邊庭必能裹尸於馬革置之言路必
能碎首於龍墀溥示甄收或堪器使公敢不冰霜志操金石肝
腸獄訟簿書且辭勞於今日功名事業將有望於他年庶免
小人之歸求為國士之報

謝及第啓

蔣芾

紫宸射策上塵乙夜之觀黃甲陞華中介三入之列方流輩聳瞻
於舉首而姓名忽次於臚傳人爲之驚已得不愧伏以國家接千
歲之統文章同三代之風凡公卿士夫之多皆庠序科彜中出經
綸事業在當時固已發揮耆舊老成至斯世賴其康濟得人之盛
振古所无洪惟上聖之興允繼右文之治自頃文烽之未息猶講
藝於投戈迨今外戶之不尚益崇儒而重道礼闈大闢士論交欣
紛然躡僑以擔登奎碩策名而委質其進也爭於售玉而選焉各
於汰金附鳳翼而攀龍鱗孰无是志援犀角而擢象齒競欲相先
然微如爝火者或驚見日月之光且來從下国者或未知朝廷之
體則取青紫未易於拾地芥而收科第安能如摘領髭矧惟龍腹
之榮宜得齧頭之俊豈伊蒙陋獲與選掄如公者賦性迂踈受才
謏薄効荷鯉庭之訓粗工蟲篆之能三紙无驢自知寡要一班窺
豹難語通方猥以世思許聯士籍兩玷外臺之鵠薦每至南宮而
鷓飛乏万選万中之才懷再進再屈之恥技止此耳望幾絕於清
流行或使之前遂忘於大敵嗟困獸之猶聞俄死灰之復燃然孟

明三季以焚舟僅成霸業卞和兩獻而別足幸遇良工勉造明庭
欽奉大對趨玉陛方寸之地瞻天顏咫尺之威恭傳上問之淵源
灼見中興之樞要輒引經誼仰冒宸聰惟易一書歷世三古識非
輔嗣誰知初上終始之爰才謝返之烏睹繁淨精微之義浚巡短
晷細繹成文何草茅之微言誤冕旒之親覽惟懼汗顏而血指敢
言志目而中眉初无黃絹之辭復得青氈之舊收故物於三十年
之後竊異等於幾千人之中百數何補於時曹參宜次於蕭相三
者皆出其下吳起敢先於田文曰自寵已多歸恩有自茲蓋伏遇
某官稟天間氣爲世大賢蓄文武之全才蘊經綸之妙略忠嘉許
國已深當守之知典策酬庸行慰具瞻之望梯航吾道羽翼斯文
包荒得尚于中行采葑无以其下體致茲庸賤亦預甄陞斷木何
知誤被青黃之飾鑄錫自躍實繫陶冶之功公敢不益勵操修恪
遵檢押鵬搏鯉化尚庶幾九万之程狗盜鷄鳴期不愧三千之客
過此以往未知所裁

謝及第啓

張全真

猥以瑣材濫登黃甲自惟何者曷克居茲竊以道德之科固有次
第文藝之事至爲淺微雖在古則聖人之所弗先於今則儒者以
此自見國家暫儆前制課試諸生苟无能稱類皆罷黜凡其尤異
頗不棄捐惟去留盡出於至公而上下莫容於私意故失之者不
敢有怨而得之者无所歸恩此本朝立法之良於進士得人爲盛
如某者素未事李何所取材經固弗明道未有見至於自苦志力
而莫致替古之効粗修章句而一無應敵之能所以十年之間屢
鼓不勝幸其氣之向盛不至三竭而再衰願於文則已卑僅出二
中而四下伏况年齡已壯時命未遭閔歲月以如流恐功名之不
立抱其窮拙將老丘園廼有夤緣獲見天日方主上內懼有闕退
託不能親屈帝尊下詢治道衆所條對皆可施行而人以樸野固
陋之人奉盛大高明之問怵惕危厲不知所言敵罔遷延幾至失
次本已无心於上第何漸尚列於丙科視彼在前遊焉弗及使他

人處此或悔其大謬不然而以公居之則固亦甚喜過望此蓋伏
遇某官上持王化樂育人材行以至誠非但崇於空語秘諸故
事固不止於具文方將獵天下之英掣國中秀皆歸錄用惟
所指呼致此凡庸亦蒙甄取唯兼收並蓄願推君子之廣心而報
德酬言敢負小人之素志

謝及第啓

石敏若

揚眉吐氣誓摩鵬翼之高程血指汗顏亦作龍門之下客戰之罪
也天實爲之切以詩書无慕於功名文藝久卑於器識哲康未嘗
挾策豪偉橫行於万人相如不善決科風采嘗觀於一座歷觀慷
慨可喜之士類皆灑落不羈之才擴閔靈府之宮庭剔剔腐儒之
章句敗編缺簡恥爲紙上之塵言名山大川攬作胸中之秀氣平
吞雲夢而縱闊步長揖乾坤之无四旁蓋抱其所得者駭世驚人
故施於有政者凌霄從霄望後世已矣澆風奈何本真爛熳於英
華名節飄浮於奔競偉服粲粲動數百羣枯腸寥寥無五千卷

安得巨力障其頽波幸逢君子之持盈恭仰大人之繼照老恩厚
澤慈寰宇以交流渙號温辭雜歌詠而四起祖慶歷寬平之治重
元豐教育之光聖經无復面墻童子皆能執筆掀揚小伎叱迅雷
濃霧之淫敞豁大迷觀白日青天之快人也觀此居嘗慨然如切
如磋而師友起予必躬必親而父兄誨我奮發綿力激昂壯心知
短晷之易流惜清時之難得十年蒲葉莫窺鳳虎之文章幾度桃
花未嘗蛟龍之頭角思慰霍親之願望輒干三歲之賓興獲見收
於卿大夫遂入貢於春宗伯况皇都搜拔之際皆傑士奔騰而來
投五十轄之餌以釣震海之魚開七百里之羅以啖載雲之翼文
决猛戰詞森健鋒鳴漏一殘絲袍爛攤則有雄鷲孟東野汪洋韓
退之變化轟雷霆光彩赫天地掉臂若若我冠自如飛墨客之微
聲鼓丈夫之氣焰儒林根幹直欺山木之百圍筆陣波瀾倒寫銀
河之千尺自笑淺識輕追俊遊傾義匿曜以迫逐鈍辭寒雨其濛
以摧驚焉慄慄危坐而起而百管動劒氣衝而羣怒張焦唇燥吻者

常然紙筆含毫者屢矣執卑凡自得之貌而冰炭於時輩飾怪險不媚之語而錙銖於有司置在末科預知如此此蓋伏遇 某官恢廓全度掩包不能凡為總角之兒童亦識先生之姓字謫仙之高吟醉掃千首焦遂之雄辨卓驚四筵傲觀軒冕之儻來急賦田園之歸去雲泉漱玉激幽人豹隱之清腰帶垂金佩天子龍飛之渥挈提後進分貸餘光私憐謏薄之材未免揶揄之笑雖充唐穀尚辱膺門公敢不懷怯敵之餘羞勉力行之後幸安會守祿遂紆俗吏之青衫誰識此心長在古人之黃卷

謝及第啓

趙承之

獻芻蕘美之言方慚下俚拜雲天之賜偶玷上游冒寵若驚撫躬知愧切以至德將降文章反以蠹聖真大道不行聰明於是淫性本言隱於堅白自私之論辨生於曖昧末季之徒六經支傳百氏鋒起髦士不蒸於田畝碩人自放於澗河粵從兩漢而來无復三王之盛我宋以右文基化先皇以治經鑄人古義雖明灑噩之風不作雅言或缺麗則之賦未工惟神聖之御時兼辭章而造士非前瞻後顧之巧中左規右矩之能則何以掇如承蜩取若拾芥如某者溺心放實滅質朕方求思簪紱之傳勉季箕裘之繼叨冒清時之選企從羣俊之游人或握珠士多懷寶尾墁效志顧何有於成功竽瑟獻音懼靡諧於尺善敢圖一介之技謬廁十人之間自計資緣實出幸會此蓋伏遇 某官至誠樂育盛德兼容越拘攣以求材觀昭曠而格物鳳飛羽集溫仁之氣應時某拔彙征上下之交離祉在衡石之有取雖封菲而必收遂俾尋庸亦叨寵數某敢不進求宿道益講善經整臣子之孝忠循聖賢之義命冀十駕之驚步躡足飛黃庶三尺之龍泉淬鋒清水行平日所守之志為異時圖報之心

謝及第啓

熊子復

獻賢能之書屢借於秋計陳治女之策猥第於春廷年浸老而可羞名浪得而為懼切以設科不求實行世莫復於商周對策徒尚

空言又孰追於晁董非洞開寥廓之見曷振起拘挛之文自熙寧
天子之下詢方講明庶事之闕而眉陽蘇公之上疏已譏斥諸生
之諛厥後在元祐者專詆變更居紹聖者盛陳繼述惟上人先定
於國是則多士不至於文字非當聖君御極之初固樂取芻蕘之議
獨大臣秉鈞之久每諱聞骨鯁之辭比親攬於權綱庸庸黜於附
會降十行之訓札既飭於有司且一介之讜言豈虞於不第如某
者才底滯而无韻字荒淺而不根應文字覓官未免彫蟲而篆刻
賣文爲活又幾毀瓦而劃墁數報罷於太常每見憐於先達今
者方鎖闥之拆號諸公猶恐其或遺及淡墨之標名文字其憐其
纒遇未有作者之毫髮空濶時人之齒牙旣而旅見法官輩試文
陛謂聖明出治固巍乎其有成功則踈賤進言宜早之无甚高論
寧姑爲斗升之計不敢犯咫尺之威聊脫落於白丁猥注擬於黃
甲此蓋伏遇 參政妙宗道盡雄帥文壇文字者仰如泰山言皆折
衷蒼生望爲霖雨時即登庸行大道以示公得英才而爲樂遂使
溝中之斷乃爲席上之珍某敢不極師友之淵源振文章之光艷
直言極諫雖吳紹於世科博學宏辭尚勉追於時輩亦可弗畔不
知所裁

謝及第啓

史 天秩

程文秘禁上塵乙夜之觀唱第明庭幸預丙科之選寵光被躰愧
汗溢顏切以士欲得志而澤民儒以席珍而待聘所幸者立已立
人之事所明者治家治國之經晨炊不繼而有贍足一切之心短
褐不完而有衣被万物之碩立廣居而泰定養大躰以曲全浩氣
塞乎兩間汪量涵乎万頃義之所在一介不以取人寄若儻來萬
鍾何加於我以札動以義止不榮通不愧窮守一性之宮庭斥小
夫之禽犢簞瓢如在即安顏巷之貧放築可捐出應傳巖之夢此
爲士者所以行已而有國者於之斂才翩然遷谷之鶯振若充庭
之鷺謀王射而斷國論于以吐曾中之奇登金門而上玉堂故能
任天下之重歷古有作用儒爲先洪惟治朝崇尚儒道備成禮樂

煥有文章主上以經術造士而人不讀非聖之書左右以儒雅飾
吏而世皆知王佐之孝治具修舉人才作興處賢開者不厭壘壘
游鄉校者競紆衿佩山東山西有將相之器水南水北无釣耕之
徒科詔一頒鄉書四集父子懷歆向之孝兄弟擅機雲之名揮袂
如雲退毫似挫爲飛魚躍悉歸鼓舞之神車庶馬閑盡入鞭馳
之手試業以三年之遠攷言於一日之長且得絕倫博習之才以
應側席詳延之意如某者武皇遺種西蜀鯨生聞詩饋鯉之庭受
教啖猪之手龍膏青氈之舊物對黃卷之聖人不辭一字之師謾習
三冬之文字兩登鄉季旋試省闈驅馳危棧之中踐履畏塗之上往
復萬里猶嘗膽之苦跂仰一第若登天之難抱負塵編棲遲故國
夜堂松月有安孛之悲吟春草池塘无王孫之好夢再拜神而乞
巧三揖鬼以送窮釣魚無得而信守不移畫虎未成而揶揄者衆
間遇改元之赦中宣免舉之文傷弓之羽已怯於虛弦獻璞之趾
人愁於再別踟躕中路荏苒六其更開四壁之琴書屢亦一窻之
螢雪秋侵潘鬢眉臨鑑生悲愁入庾懷向風流悵賞音難卜碩影自
憐固嘗欲問舍求田又不忍裂冠毀冕感桑榆之晚景想場屋之
舊游既叨再叙之恩願吐自鳴之氣省額六百儒冠萬千偶於沙
汰之中亦在招延之內南宮奏籍北闕宣題策以道化而求設施
之眞質之象數而驗通貫之學仰聖詢之微妙碩素業之空疎思
苦言艱幾於闕筆東漁西獵僅獲終篇方懷報罷之虞遽拜言揚
之命天威鏢目臚唱駭魂黃甲勅符各藉恩綸之重綠袍手版身
紆賜服之榮脫白屋之塵埃向青雲之歧路靜言忝冒實有黃綠
此蓋伏遇 某官絳帳大儒青威名俊輿音曰下望重斗南歷武
賢關掃千人之筆陣竭來祕府紆萬丈之文虹旋探石室之書行
赴金鑿之石温頰如玉咳唾成珠羽翼斯文鑪錘後進殘薪振響
最爲堂上之音敗鼓產黃苦作籠中之物致使書癡之迹獲逢英
教之收某敢不飭厲常心勉行所學靖恭爾位不違君子之威儀
歸繁其身更尚古人之名節庶全微志上乞洪私

謝賜及第啓

陸務觀

明庭賜對晨趨甲帳之嚴親札疏恩暮拜兩科之寵感深涓涕愧
極汗顏伏以明廷取士之方固非一路學者致身之始又熙名政
碩列聖豈私於俊造之科而羣賢罕出於選舉之外至膺特詔尤
號異人頌詩足以被絃歌則梅堯臣見於皇祐文章足以垂竹帛
則王安國起於熙寧或交朋借譽而不以為私或兄弟當塗而莫
之或議顧惟至當故無可慚如某者齷齪而無竒迂踈而寡要自
悲薄命久擯名場敢謂一朝遂叨賜第門外之袍立鵠恍記少時
詔中之字如鴉猶疑夢事此蓋伏遇 某官股肱王室領袖儒林
以謂張一目之羅始非得爵之道至於售千金之骨抑明市駿之
心寧惜妄庸以風四方弗欲拘攣而廢一士某敢不討尋舊學企
慕前修儒者之弊勞而無功誓少輸於實効聖君所行即是故事
時將得於遺材敢伸賀公道之開輒仰叙私情之謝

謝及第故口受陰人

張全真

猥以不才獲與諸生之列自惟何幸輒叨六藝之科匪實其能於
茲有媿竊以進士之選為法最詳得人之多莫比為盛初以待未
命之士而不及已仕之人碩於收材或有未盡又為之制以廣其
求雖既與於官職苟未登於名第許從韋布之列同奏翰墨之功
所以執經相高習業益眾如某幸蒙世賞不廢父書粗知師友之
淵源未究天人之分際唯恐典刑之失弗克繼於老成故於禮樂
之間每務從於先進然而嘗持所學見黜有司姑忍一慚敢懷二
事至於屢辱不以為尤况夫平世之尚文時乃異人之間出風聲
所暨俗化一新其有所長孰不願試則亦安能碌碌於俗吏至於
沒沒以終身竊伏惟思用自砥礪寧知將老僅克有成茲蓋伏遇
某官道大經邦德隆輔世董陶品類益然元氣之中教育人才浸
如時雨之化致此庸陋能與選收昔德裕不喜決科茲實太高之
論而王吉欲除任子病夫不學之流某志在適中善惟從眾不敢
為唐賢之異而或免漢人之非將益行其所知庶以報於有德

謝及第啓

張維之

昔薦鄉書誤借一鶚比遊英毅復貫雙鵬顧非黃絹之辭曷副青
錢之選榮生意表塊溢顏間竊以振古以還斯文幾喪六經毀於
傳注大道碎於詞章收煨燼之餘塵麗篆刻之華藻錢編魚蠹
小技鼠窮公卿出於此塗德業愧於當世諸子往而不反斯道潰
而復興洪惟 皇宋之開基繼有真人之累葉化流華夏教育膠
庠多士聿臻異才間出闢百家之糟粕窮六藝之淵源集鷲西
采芹泮水巍巍唐屋虞之世洋洋洙泗之風率皆以一而當千鳥在
拔十而得五坐將舟中之敵國孰非堂上之奇兵欲空冀北之羣
必擅斗南之譽如其者箕裘末業樛櫟散材五歲屬文肆小子之
有造七年取友與先生之並行鄴中無七子之聲稷下靡千人之
服巨魚失水幾同搖尾而乞憐飛鳥依人屢欲干霄而直上世味
漸猶於嚼蠟時名徒體於畫塲管仲之器小哉汲黯之贛甚矣
帶牛佩犢及躬南畝之耕漱石枕流已遂北山之志屬芝函之下
布廓槐市以彌新凡與成均並育青燈待旦樂亦在中黃卷
窮年老之將至遠承詔綈推蔭於鶴原幾隊豪聲愧題名於鴈
塔獨歎屠龍之无用益羞畫虎之不成久止齊庭復整三年之羽
有同漢客誤乘八月之槎尚憐志日而中眉尤笑得盧而勝雉禹
門三汲浪已弃於前功邾桂一枝猶獲收於後効幸軍敬馬淮陰
之將解衣識畫史之真翼飛翮長者之在前若積薪後省之居上
靖思際會實有夤緣此蓋伏遇 某官存更華近夙著忠嘉參董
群綱總司百辟方宸衷之簡在期台席以優升慮及遐遺力扶後
進務英雄而入毅思俊乂之在官遂致寒縱首叨榮選某敢不敦
修節旣勉赴功名期忠孝曲全於身誓窮通不改其節素絲効質
白水盟心庶爲君子之儒少答大人之賜

謝及第啓

李成季

獻策楓宸敢意四夔之列第名桂籍俄參六驥之聯踰分已多視
榮惟愧於皇烈考肇新宏規即義理之在人心明道德以訓天下

士純習尚其夷雕篆之浮華經有師承易扶章句之固陋越離明
之繼照佑人文以化成稽神措於熙豐昭前功於崇觀鄜都首善
濬學海之淵源泮水永流廣化風之鼓舞革歷世相因之科幸遷
百王已墜之賓興與周並休自我作古睿謨蚤定浮議莫搖大典
肆頒輿情更慶茲歌相屬癯老扶杖以傾聞冠帶環居遠夷解髮
而內向一同中外咸仰聲明雖樵叟笑不談王而懦夫皆有立志
中材知進於君子之域曲士還比於大方之家術業增崇英豪間
出矧及三年之比沓來萬國之儒扶搖搏北海之鵬羽翼振西離
之鷺駕巨魚縱壑快若爭先倉庚鳴春惡能自己宜得方聞之彥
允膺簡拔之光如某者識愧疏通器非凝遠才能至下初乏豫章
之知鄉里常聞未探會稽之穴零丁末族孤善餘生早貽手澤之
悲中困鴛原之戚雖冰霜之志操有在而土木之形骸僅存妄覲
亨衢慕從上方餌鄉書曷上屢叨前列之龜禮部數奇更類退飛
之鷁誰念黃金之虛擲漫嗟明月之暗投進退茫然遲回久矣忍
清時之自弃幸新時之具修洋兔芹藻之游龜勉燈窻之樂方首
登於貢板復濫中於春闈且鼯鼠之技易窮而鈇刀之割難再豈
容僥倖每玷甄以至於披典謨渾灑之文拜禮樂制作之闕彤庭
靚密仰堯天之俯臨寸晷迅馳竟雄思之益苦敷繹罔究揚摧未
工即今攷古而事頗闊疎以言足志而文幾翫散輒上鹿於睿覽
俾崇直於甲科忝冒若斯多夤緣有自茲蓋伏遇 判部侍郎佐王
遠業命世宏材德厚而純氣剛以大撫循京兆人有去思協贊秋
官世稱平允上眷忠嘉之節士依衡鑑之公是俾寸長得借殊選
其敢不益修名檢祗服官箴勉所未能期於有至蹈履率循於義
命施爲庶見於事功上酬覆燾之恩次答吹噓之力過此以往未
知所裁

聖宋名賢五百家播芳大全文粹卷第三十八

上啓

陳情

上師相陳情啓

鄭敦夫

大鈞獨幹諒無聞於滄塵小己自私冀偏承於雨露盖有意於保全者物類之妄意而無心於與决者造化之本心既將投絕壑與深崖安得不跼天而躋地竊念某讀書無用仕宦不諧偶緣管蒞之求誤寘摺紳之列炭冰寡合獨僻見而守株燕楚背馳遂冥行而觸網時逢明盛身免誅夷聊從寬典以示恩姑昇遠方而不齒日月歲時之易邁艱難險阻之備嘗六年之瘴癘交攻命存如綫百指之飢寒未免地置無錐何期蟻蝨之軀幾啗虎狼之口浮家泛宅萬死一生眼看荒壘之荆榛寸心欲折夢繞故園之松菊何日歸期清時難遇而直道難行化力易為而窮途易德此時遭濟沒齒歸依共惟 某官吾道宗工本朝元老以孔孟明道一學為

學以伊周濟世之心爲心傳詩書禮樂易春秋之所不傳見唐虞夏商周漢晉之所不見淹貫古今於典籍未嘗一物之不知兼存夷夏於生靈寧忍一夫之失所豈令寒賤獨漏甄陶已甘絕意於簪纓姑欲脫身於羈絆一丘一壑若猶自遂於簞瓢寸髮寸膚皆是更生之骨肉情棕所迫戰汗奚勝

上湯相陳情啓

耿元鼎

士爲知己者用大賢何所不容物不得平則鳴唯善能舉其類伏念某頃在丙辰之歲仰當太上之朝金人再犯於淮南鐵馬大陳於江上值南渡奔波之後屬東還蹈海之餘侍衛單寡而無君子之軍轉餉空虛而乏小人之食乘輿旣駕會宣王政事之用修干戚攸陳過漢官威儀之未復百揆亟從於舜狩六蜚暫駐於吳門民情已危國是未定或贊親征之後遂云罔有敵于我師爭陳善勝之機自謂不以戒遺君父惟時上宰專彼長謀旣召公不悅於周公豈晁氏獨安於劉氏歟畎畝愛君之意奮書豈不言事之忠

頽越俎代庖惟一相是論人主職然跳丸解難欲二人同心海內安請如平勃之交驩圖緩文武之一怒留陽城而伏闕泣賈誼以上書事不果回身其能免衣冠有此第喜憂國之蕭公鼎鑊在前豈忍愛身於臨賀命輕一葉恩重萬鈞止從會稽聽讀之行旋被長安釋歸之命采堅素志未報明時逮後來當路之臣惡昔在登門之黨投蛾火內匪自揆量見解水中其如惴恐偶預省闈之羣試中遭鄉里之一夫謂易名猶慕於相如宜伏罪坐連於德裕狀乃事於都省指網踈投比之人下其文於曲臺使路絕圖南之便野芹雖美誰將獻御以成癡仙鼠弗靈自擬昇天而復墜已侵尋於白髮久流落於滄洲所以爲貧未能免俗看人一第了無拾芥之勞閱歲三星返作覆蕉之夢所幸泥塗之辱未衰湖海之豪好在月光猶可射牛背之上依然髀肉非無事馬蹄之間一坐盡傾何言小異十手所指敢媿前修是用布其腹心亦云適此機會藏舟已久恐有力者負之按劍弗疑非無因而前也共惟某官

才高三傑道合四聰擅燕公之大手而定社稷有功躬博陸之小心而酌古今能斷兩朝注意迭居二相之尊萬里折衝盡護諸軍之衆入齊魯侯之壽母加稱漢代之宗臣共慶明良之逢大膺重疊之賞福不虛應澤當廣施有一言可以興邦其上策莫如自治今日之事幸而集諒無忘善後之圖中興之業誠惟難願永懋字先之贊有如愚陋何取賤貧必諸大夫皆曰賢然後用之終不起倖門之望雖明天子在上可出仕矣亦少俟翰場之興以素荷於慈憐姑少陳於困躓清霜在候愛日回春倍慚因鼎之謀悉慰紳綏之祝過此以往未知所裁

納拜

上憲使納拜啓

王以寧

千佛名中夙仰塗金之姓諱五經閣下曾爲問字之生徒有一于茲且當脩好負二宜拜安得忘言共惟 某官名世真儒篋帷後使卓然君子之操綽有古人之風昔我先人登科辛未題名未泯小錄猶存肆及孤生執經鄉校濫廁老聃之役剽聞夫子之言自別師門荐更歲律爾黃緣於吏役獲趨造於賓載我有一天已獲披雲之願拜下兩手敢忘屈膝之勞諒黃壤同年之心無青雲異日之誚敢祈端授母事虛謙某謹當尊所聞而行所知或有爲於斯世進以禮而退以義庶不辱於通家

上太守納拜啓

張芸叟

書不盡其言禮止飾其貌先生爲之度數君子尚乎中行作而改易其顏色則謂之恭下而屈折其體支則名曰拜用是所以事長不然何由貴賢苟非達尊之備三安得太祝之辨九恭惟 某官著龜吾道衡鑑士林言爲典刑行建規表當總角之歲固已想聞其風茲蒞政之來幸得親炙其義每因公而造請必亢禮以周旋處不遑寧退而內訟子夏之門人區別庸有後先次公之贖吏未除猶能拜起然事契不淺無言則已踈勞謙雖光過行則近偏在累朝之典故亦云膺品而致恭執誓唐室之上風獨有年家之叙拜

幸免再三之避庶申悃悞之情

起復

上宰相啓

孫仲益

惟悴行吟未脫江魚之葬慟哭流涕遠與風木之悲鑽燧火以求
新御祥琴而永歎收召魂魄僅存偷生久矣此空恍如昨夢偶未填
於溝壑尚有異於桑榆苗槁欲興大樹靈靈之望雞鳴不改詎
乖風雨之期共惟 某官巨力回天彌文作古任重道遠可謂大
臣言聽計從簡在上帝輔成致治保邦之業益彰繼志述事之光
屬怨敵之紛更汲朋邪之彙進誦詩發冢藉交執仇含珠何爲方
聽大小儒之議佩劔相笑遂成南北部之謠戰鬪觸於兩角而交
兵鑿混池之七竅而報德不虞巨罟罟幾至焚廬式開賚弼之祥光
補廣文之教譽阿毀必也正名助墨逃揚不爲已甚一變旁僻曲
私之俗遂濟上下交泰之期所謂衆賢咸和於朝豈有一夫不被
其澤伏念某寡徒少與多病早衰始畏途而問津遂營巢而擇木
比大鋤於非種固難追於深文衆怒所遷幾類水中之蟹一揮而
去又同瓜上之蠅方嘗膽於訟愆俄茹荼而遭閔永惟事親依養
之志弗泊於千鍾獨有懷恩未報之身所欠者死坎北大鈞之所
播激昂三鼓之既餘雖萬里一空其羣靡有留良之歎而四蛇各
入其宇豈無獨怨之求况君子樂得於英才緊大臣不忘於微賤
石田無用頌求無望歲之期焦穀可芽當大費嗟枯之力

上秦少保啓

張全真

頃罹憂患幾隔死生不自意全得以至此雖自念疾困凶衰之迹
未宜踵高明盛大之門仰託知憐敢忘冥昧伏念往歲比試羣儒
方時於經最高唯公奏策第一京師尊貴材鮮可踰天下想聞人
爭先觀而乃獨韜藏能事謙禮諸生不聞賤微悉躬契好而某也
竊科其下進謁云初獨於衆人之間而以國士見過傾意氣以相
許非流俗之敢期方幸從游更蒙鈞禮士固伸於知己誠以能忘
生而得此於人蓋實所寡每思磨厲用副推稱夫何其殃罰及

身喪亡無日生理不治氣息僅存廼者 某官榮升諸公下澤四海願嘗有嚮者慕用之意而適當在纍然憂服之中書疏不脩禮文俱廢獨竊聽輿人之誦而益欽長者之風未省餘年猶有見日共惟 某官道德純懿學術通明既迪簡而在庭用承弼于厥辟正直是好有勤勞王家之勲寬裕以容懷長育人材之意傾如衰陋何所短長姑襲衣冠以持門戶固知夫時命有所不敢以賤貧為羞然而踵父之業未能事生之道或缺負米有志乞食何顏持是安歸非公無可惟大臣務為國得志而君子樂以祿及親論其為士則或有可慚至於養親則尤其所急於斯二者僅垂茫冒之仁則有一焉願竭始終之報

上政府啓

趙 承之

抱費街悲悼死亡之無日愒陰玩歲迫祥禫之既除分甘溝壑之填敢有孳孳之獻仰膺詔命復齒人倫勉自強於面顏冀獲承於典寢候惟欽欽氣乃肅清共惟 某官贊襄廟堂填拊夷夏神明所助戰殺來綏其荼毒尚新疲病如昔卧漳濱而太息阻造鴛行叫帝閤以嗚呼冀充鷗腹華天鈞之坎北閔蟠木之輪困特加陶冶之私俾伸蓬華之願雖江湖鳧雁無損益於平時而大馬蓋惟足彰明於厚德鄉風而問延頸以湏歲將杪以向寒時在陰而務耆願盛起居之適益遵調護之宜依歸之深梗既于是

上從官啓

計 啟夫

久去門闈係下風而仰止退依苦塊寄餘命以愒然迫於禮制之除汙此朝綱之舊敢修問訊復冒覽觀惟秋既深在氣已肅仰惟禁密之暇休有吉祥之多某厲猶薰心跛僅能復尚嬰罪謫敢彈貢禹之冠雖欲馳驅實曳伏波之足已坑章而自列析置敢以少安願蒙篤愛之私特許餘光之借候將收歲迹阻造門願遵調護之宜無爽宿宵之備其為懇至靡所喻言

回啓

轉聽回韓觀文啓

韓 丞相

祇奉明恩謬陞上轄雖刻章而引避終溼寵以難回自顧缺然居常惕若伏念某賦才菲陋起迹羈孤幸蒙累聖之誤知遂極一時之顯設籍管干以游禁闈秉籍以長吏曹追參弼翼之聯何補朝廷之務不能則止徒懷知恥之心無勞而遷數冒禁林之謗榮慶交萃啓處弗遑此蓋伏遇 某官推轂人才指南物論夙借言揚之賜致茲眷任之殊其在感銘豈勝敷叙

轉聽回外任兩制啓

韓丞相

謬膺恩制進守省綱懇避弗遑兢憂深甚伏念某才非適用仕偶逢辰荷累聖之誤知極一時之顯遇參陪近位在再周星迨聯丞弼之司何補朝廷之事荐蒙溼寵愈愧斐能茲蓋伏遇 某官志在同寅愛形樂與夙加推引到此叨踰荷芳翰之見貽積感悰而良厚

回文太師辭免還洛啓

竊承懇避政機感還里第工心愧愕眷意遲留囊裏奏弗俞公車復上者六七詔書來下使人面諭者再三况聞徧救於有司毋得亟通於所請重貽教翰尤切愧悰伏以 太師紀象雲臺銘功彝器朝相仁祖以躋嘉祐之太平謀謨先朝克奉英皇之遺緒密武業於甘陵之下首忠策於至和之間近起菟裘再隆師席矧惟二聖之謚治方賴元臣之贊襄雖卜爽於天倪况已臻於藥喜異體中宸之眷勉趨路寢之期其在勤倦固難敷悉

回韓丞相辭免啓

光奉制函顯陞宰席凡居陶冶靡不懽愉詢謀已出於僉同抗跡尚聞於懇避伏惟 某官養氣剛大抱才敏通蚤逢同德之辰自奮有為之業忠能任重雖蹈險而不移厚足鎮浮常處難而若易蒙知先帝久執天樞協翼嗣皇親扶日御夙著著明之望宜登勵相之崇願屈固辭俯從師錫

回韓丞相判北京辭免啓

誕布冊書寵升公袞顧在耆明之重宜兼將相之崇眷眷素隆師

言久協尚深冲避固鬱具瞻伏惟 某官望冠羣工道符熙運大
忠至正誠爲邁越於昔賢近弼遠臣孰不儀刑於元老惟安危之注
意屬文武之全能矧先帝之見知宜嗣皇之圖舊參榮采中鉉視
秩泰階迺從西洛之符再換北門之鑰冀承溫詔仰副清衷某特
沐謙勝何勝佩悚

回門下韓侍郎辭免啓

文 穎叔

光奉宸恩進陞省闈蓋徇僉同之志難從謙挹之私伏惟 某官
直道在躬重名冠世愛民如子藩宣皆愷悌之仁許國若家獻替罄
忠嘉之論壯猷彌劭晚節弗渝久席寵於禁嚴乃侍言於殿陛果
躋柄用久協士心長孺知經父子繼登於二事彥將稽古兄弟同
貴於一門顧輿頌之交歡雖露章而莫遂冀膺明命早副具瞻

回王左丞辭免啓

石 懿文

席寵制書冠榮省轄問望所屬懽抃攸同伏惟 某官溫厚以明
惠和而敏以學術藻飾吏事騰耀士林以忠義輔翼政機被知
宸衷果副搢紳之論蓋升丞弼之崇尚執謙光未膺成命重蒙流
誨曲示冲懷冀回懇避之誠上副倚毗之意願言銘禱骨聲敷陳

回使相啓

伏以衰境倦游方丐辭於郡綬嚴宸過聽俾進讀於經帷念叨冒
之優隆方凌兢而遜避屢形奏牘尚期賜可之音遽辱珍函益佩
撝謙之美共惟 某官英資絕俗厚德鎮時洞韜略之縱橫得詩
書之醞籍擁貔貅而制勝既分闕於將壇冠駕路以通班復視
儀於宰路勳庸著矣威望隱然滿文武之兼資係安危而注意抗
茲強敵久勤南仲之城方歸其侵疆允賴召公之闢國帝衷彌簡
公望益崇惟氣序之新涼宜福基之增固瞻承尚阻徒遠溯於旌
麾眷倚方隆願益調於茵鼎

回孫參政啓

李 太尉

和門授鉞未奏戎功宸陞出綸旋叨郡寄自惟塵跡獲瀕台光
蓋有夤緣尤深慶幸共惟 某官鎮時重器問世真儒文章黼藻

於玉猷議論著龜於國政經綸事業贊於化於皇扉巾履歲時適
雅懷於綠野行膺丹詔此復青氈某樸樵無堪幘幘是賴誠未馳
於尺牘貶先辱於駢緘

回張太尉啓

李太尉

比膺中旨遠討羣兇幸三鼓而得城薨一囚之漏網有征無戰雖
憑咫尺之天威適會成功亦賴輔車之隣助自量繇力略効微勞未
釋介冑之塵埃先辱緘題之黼藻其為媿感曷旣敷宣

回呂太博啓

張欽夫

茲蒙薰慈委貶戕翰不為華藻無非忠信之言歷舉大猷備著切
磋之義詠味數過感藏至深伏惟 某官世德相傳天資甚茂立
志靡追於時好行身力慕於昔賢暫分典於泮宮益養成於遠器
某相聞雖久既見未繇永惟事道之難莫若求仁之要考履澤之
象正資講習之功誦伐木之詩益見和平之助碩驅車之寢邇知
傾蓋之可期所祈有過之必聞庶或臨民之寡悔

回張閣學啓

張全真

祇奉宸恩猥叨郡寄方密依於大庇側聞長者之風將冒布於尺
書已辱一介之使寵貽戕翰下逮鄙人竊窺筆墨之光華仰服
德音之謙厚內顧不敏罪焉所逃共惟 某官材任大臣望隆法
從文章爾雅蓋盡見於典刑論議有餘宜與聞於政事尚淹在外
未使居中方今神明之不遺必圖柱幹之固守會聞詔下亟以公
歸某自分迂愚何心遊宦顧甚矣衰殘之久聊復此來而鄉者慕
用之誠於今增劇敢意曲全於契好廼蒙備賜於拊存匪惟小子
之增榮益使孤蹤之有恃炎暑正爾燕處裕如諒繁祉之方來相
直道之所履願體眷意加輔寐興瞻頌之深敷宣罔旣

回畢致政啓

李成季

謬膺煩使方愧於澄清夙仰高風雅懷於瞻覲遺牘未皇於郵置
貶音先辱於騰函伏惟 某官藹著令名久躋膺仕遂巡易退之
節士大共仰於懸車優游佚老之榮談笑未承於揮塵即圖披晤

深祝保綏感系之誠叙陳奚既

回沈提刑啓

李太尉

比膺中旨遠討羣兇偶三鼓而得城無一囚之漏網退惟僥倖實藉威稜共惟某官學有淵源器無塵滓議論太平之基本文章後進之規摹盛旦早逢亨衢闊步羽儀仕路聲華居海內之先禔贊公家財賦幹城中之半已深眷注行服寵光某素稟夔龍踈幸依仁厚未拂塵埃之介胄猶抱焦勞遠承珠玉之絨題過形撫問

回鎮江安撫啓

翟公巽

假守藩符獲依鄰境封疆密邇相聞雞犬之音政化流行不待馬牛之及共惟某官躬行豈弟體備中和久推重於摺紳固想聞於風采出臨藩屏糾合義師元帥摠戎首預帷中之畫羯胡奔北獨專方面之勳乃眷殊方創為輔郡疇咨師帥允藉威名蒙福京師已賴洪河之潤倚強王室重增盤石之隆敢謂謙光首貽書誨徒佩芝蘭之臭未修桑梓之恭

回京南留守王待制

陳無已

試守東州初無善狀奉使西道信有誤恩被聖訓之丁寧奉明詔之寬大惟此八州之眾荐更連歲之凶視彫瘵以興嗟碩閣迂而無術莫寬憂碩徒積兢漸伏惟某官學以名家行為世法隱然天下之望蔚為君子之儒比事屬詞名出漢廷之右愛民憂國政居良吏之前方此有行未遑政問不圖貶損遽辱褒嘉喜懼不勝筆舌難盡

回衢州王郎中啓

李太尉

和門扶越未奏戎功宸陛出綸遽叨郡寄碩涼微以何取實獎提之有由共惟某官學海龜龍詞林麟鳳荷橐藋吉華之素棠郊同豈弟之多臬蓋雍容擁節暫頒於屏翰青幢飛裊賜環倚俟於登庸某忝守郡符遠資河潤往來靡獲假道以無虞瞻望門墻再承顏之未卜

回柳嚴州啓

張欽夫

奉詔牧民方待臨川之次蒙恩易郡更叨桐水之除自揆初心敢忘素守已上奉祠之請輒辭乘傳之行豈不知在今此州實拱行關仰雲天之在望知日月之可依地望既隆民俗且簡几席枕湖山之上簿書雜魚鳥之間前瞻文正之風流尚想子陵之節槩叨逾過分夫復何言然某方茲退伏於里閭且欲從容於學問斯未能信敢言輕試於治人道之難明祇合靜求於在己庶幾有得不辱其先日冀大君之仁俯從小已之願豈謂山川之阻忽勤魚素之效敢占蕪辭少叙鄙意共惟知府朝議以德履之其茂全天才之有餘惟自處期忠厚之歸故所至以牧養爲事翱翔中外益著声猷詠中和之詩已騰声於近服陳治安之策即趣對於明庭某未諧先覩之期徒負告新之意敢借偃藩之樂少留坐嘯之娛秋律既深霜飈愈厲願體眷毗之厚益精調護之宜瞻頌之深敷宣罔既

回方守啓代

鄭敦夫

伏辱撫謙特貽誨獎提過分感畏交懷共惟某官學術淹該天資粹接議論太平之根本規摹後進之先師軒昂妙齡翺翔臚仕累分憂於茅竹暫均逸於粉榆琳館優游素蘊經綸之成畫至除簡注竝膺朝野之具瞻某備乞下僚仰資遺範未遂登龍之便徒增希驥之勤

回覃靖州啓

蘇叔黨

狐狸未盡宜鷓鴣之橫飛騏驎先駘甘驚駘之在後顧蹉跎之無用雖矍鑠以奚爲過辱緘題典垂存籍仰君子之有道識仁人之心感極成悲驚定而愧共惟某言才推人傑名擅國珍相有擲筆之虎頭終封定遠忠並伏波之馬革不畏蠻溪閭里觀揚僕之懷黃道路聳買臣之衣綉某忝茲別乘預竊依仁方殘暑之秋風多生寒之夜雨更祈善攝以永壽祺

回李守侍郎啓

張正已

別德五年瞻風千里豈意專城之任獲依鄰境之光恭以某官

才過萬人身兼數器早仕清朝之計相蔚為當世之吏師方屬邊
鋒暫汙州紱與我共理豈惟求田里之安入而為公將即備廟堂
之闕其曾未遑於問訊乃先枉於誨存銘感至深敷陳曷既

寄居回強守啓

孫仲益

凭熊軾而驅方切仰高之慕卧牛衣而泣莫申事大之恭敢謂漂
流契闊之餘尚勤撫奄矜存之意共惟 某官七朝儒學一世吏
師萬乘之器晚成千歲之姿難老爰屬下車之始遠叨求舊之先
著履歡迎詎知折齒撫箠歎詒殆欲挽鬚須高節邁倫衰病增氣
諸儒談道所願陳蓋公清淨之言小子學詩猶能賦王褒中和之
頌其為忻幸莫究名言

回鄰守啓

翟公巽

假守郡符獲依鄰境封疆密邇相聞雞犬之音政化流行不待馬
牛之及共惟 某官心存愷悌體被中和久推重於搢紳固想聞
於風采某仰承德蔭賴分燭之餘光矜式吏師知伐柯而取則不
圖謙益先辱誨感佩之懷敷宣曷喻

回沈留守啓

李樂靜

瀝懇乞麾方自規於假守彼恩易地猶外摠於祥刑視事云初賜
函先及伏以 某官雅推令矩久著能名請留鑰之吉室網斷暫資
宿望披中宸之芝檢行踐華塗覲德未皇致郵不敏良有後時之
媿益深內訟之私感忤既并叙言罔既

回太守啓

比貢柔緘幸塵清覽礼无不容書匪尺言上君子之堂未遑引袂
拜使者之賜壘幸宜懷竊惟鎮抚之餘茂有福祥之助共惟
某官声猷華國器業在民早膺出使之華尚屈偃藩之寄報政之
速固无待於暮年聞命而趨將入陞於禁從行期賒謁少罄叙陳

回太守啓

崔德符

比祗行役遠造巨藩獲仰覲於下風俾俯酬於素志過蒙延勞備
極謙冲方結戀於旌麾已曲煩於臧翰情文具腆慙佩逾深伏惟

某官渾厚而疏通高明而敬愿久踐更於要地聊偃息於大邦聽
中和之詩嘗竊窺於政迹錫光大之寵行峻陟於禁塗某暫息馳
馳方遙披覲冀布宣之餘暇緩寢饋以惟和瞻頌逾深悃誠罔既

回太守啓

趙承之

班列追隨數瞻眉宇川塗隔阻屢易歲華缺焉竿牘之修久矣飢
渴之念亟聞開府切用鄉風伏以 某官發揮懿文揚旃廡仕眷
素深於平日名尤盛於一時未容湖海之淹聊付藩垣之寄北門
清切吏豈識於嚴徐南畝歡呼民但歌於召杜諒少須於報政行
復慶於賜環某智淺憂深才輕責重幸有光輝之託冀無罪戾之
虞萬未暇於占書已先蒙於賜教仰懷謙挹倍切感藏悃悃之私
梗槩于是

聖宋名賢五百家播芳大全文粹卷第三十八

聖宋名賢五百家播芳大全文粹卷第三十九

回啓

回程通判啓

張欽夫

德門雅望聖世美才久更踐於民情益推高於吏治出分屏軾尚
淹半刺之樵入佩荷囊行被九重之眷知有斷金之義偶同退鷁
之飛遠勤專价之臨重辱長牋之貺褒揚過實展讀懷慚千里
叙情所愧非子雲之筆札一時仰德未由披彥輔之雲天瞻頌之
深敷宣罔既

回鄭通判啓

趙承之

紫極壯游嘗快謫仙之觀臨印末宦敢迂貴客之過撫歲月以若
驚拜書言而甚寵情踰舊好喜倍新知恭惟 府判判院懿德渾
成清才絕出驗今於古有七相五公之傳貫道以文必三代兩漢
之作奮厲休明之運橫翔英雋之躔奏金石於哇音和之雖寡按
鼓旗於小敵勅者其誰惟才人以未容亦器藏而有待粵從外屏

存駕別車牛斗夜明方動德星之氣江山春麗信增詩筆之光乃
眷先猷宛存遺愛弔章堤而繚若慨峴石以倉然周人之思召公
尚勿殘其草木齊國之墓石相蓋以勸於子孫第虞切緊之新不
待突黔之久某濫由蚤歲嘗際後塵識張籍於衆人慙非輩行問
車師於半面辱記姓名茲妄意於親仁乃傳聞於便道逃虛久矣
想聞玉趾之音話舊歡然猶覩綈袍之賜

回洪通判啓

孫仲益

蓬萊方文蚤窺雙壁之連雲夢南州又見一枝之秀碩服膺之已
久念脩贄以無因恭惟 某官文中兩科聲馳九牧倚牛角而獨唱
和者幾人跨鯨背以遠遊超然万里陳義振哀窮之惠占書移起
廢之文末路增光衰顏動色誦佳句於百寮之上固已習於剽聞
識小異於千人之中獨未先於快睹

回竹通判啓

張欽夫

我形辭色識辯安危惟險阻之備嘗宜功名之立致豈期歲月之
久尚爾淹遲乃於州縣之間更煩關決頃自吳門之別繼爲南楚
之歸寤寐雖勤書辭莫及知有斷金之義偶同退鷁之飛茲承專
价之臨首辱朋絨之問辭旨敷暢展讀再三事理分明惟知感歎
騏驥伏櫪無忘驥首之時鵬鷁在天更看冲霄之翼

回鄧通判啓

熊叔雅

叨膺宸命濫竊使華碩庸妄以何堪實吹噓之所自恭惟 某官
行能超越學術深醇政所至以有聲才无施而不可符分半虎諒
猶鬱於遠猷刃蔑全牛碩未施於利器佇登優最茂對異恩某方
修問之未遑忽飛緘之先及感愧交集敷叙奚殫

回韓通判啓

趙承之

過都問俗首欽通德之名慕義趨風方治正平之刺載惟遇合實
慰羈窮共惟 某官世躡高華家傳儒素敏而好古足以御今察
然有文因之飾吏事煩而才乃見用小而聲自宏仲季清名豈特
豫州之望平原俊氣當爲洛下之光佇觀驛召之嚴難遠里居之

佚其拙無所試困不知歸攘臂受新自爲得計抗容走俗何以見賢矧聞同列之英更出華姻之近委書辭而過厚春契義以惟新並游冰玉之間自慚朽質修報瓊瑤之外徒激懦衷

回胡參議啓

張欽夫

空異此之野昔知人物之英佐湖南之軍今喜風猷之近辱書先及佩意惟深伏惟某官以溥茂之資通明之學持心近厚蔚聞平讞之風正色不求雅有安恬之樂惟瀟湘之都曾控江漢之上流溪山阻深戶口繁夥雖民安俗阜必資元帥之得人然川泳雲飛亦賴嘉賓之贊畫是煩耆德來慰輿情諒坐席之未温即鋒車之趣駕某自惟亡補退切自修好語見貽知有斷金之義從游在即更歌伐木之詩

回楊教授啓

鱣堂授業風教攸資鯉素輸誠謙光是感伏惟某官天資醞籍學術淵源登桂籍以成名就芹宮而設教絳幘弄之姑發藥於群

書青瑣林林行並駢於衆彥其鉦鼓單方釋俎豆是修有媿古人在泮而獻囚軼尚期後日執經而問春秋欣抃惟深敷宣罔既

回孫教授啓

張共叟

伏承專使兼辱珍函陳義甚高多聞爲富顧茲衰杯何事雕鐫伏惟某官高藝懿文至誠尚志每念階庭之蘭蕙忽收滄海之珠璣千里在駒一毛得鳳奏長揚之風代有其人求茂陵之書行看故老

回徐司戶啓

周茂古

頃程多士獲窺黃紉之工今綴姻僚未覩紫芝之表懷高山而仰止荷尺素以先之共惟某官藝絕真羣羊器韜昆璞李能必至水方折而東之問靡不知龜千年而一聚早摘髭於上第將策足於要津某久矣嚮風幸茲托契清潤相浹於冰玉情辭益固於金蘭會面無從徒想千人之異詔書其寵莫將十部之賢

回蕭提宮啓

張全真

鄉寸謙勤駘後車而來過方欣晤語帳行李之言歸政欲裁書少
陳謝意遽貽翰墨具見情辭伏惟 提官李士師友淵源文章尔
雅有聞于世偶時命之未遭以彼其才尚陸沉而在下稽諸論者
孰謂宜然顧豈無人為言于上會見詔書之來聘亟聞除目之新
頒人僅接從容又將乖隔重荷褒揚之過實豈其愚陋之敢蒙
既感德以弥深唯鄉風而增翹

回胡糧料啓

孫仲益

三世青箱之李卓冠儒宗一時黃綸之辭具存家法函書臨授躡
履趨迎繆膺先進之從采切後生之畏共惟 某官李窺聖域文
挾國華重五十席於講肆之間奏三千牘於公車之下貴名日起
一坐盡傾俊辯風馳萬夫皆廢家傳衣珮固應在龍虎榜中世
掌絃綸又將集鳳皇池上猶勞謙於下問欲洪益於多聞聆妙寄
於哀彈雖粗識流水高山之意委珠珍於大貺終莫報明珠白璧
之投感頌之私占言難盡

回雋官啓

李太尉

和門杖鉞偶奏戎功宸陛出綸復膺郡寄退惟謏陋全自獎提
伏惟 某官濟世大猷過人器識早裁冠於盛旦爰闊步於尊衢
姑試經綸暫作皇華之屬客行膺識擢入陪青瑣之英遊自頌萍
蹤嘗譽芝宇誠未馳於尺牘貺先辱於駢緘感愧惟深敷陳罔既

回檢法啓

趙德莊

貴名赫奕又願列於下風羈管浮湛敢自期於方駕從遊有地慕
用增懷共惟 某官躰被中和才周果藝勤勞州縣不徼當世之
知練習憲章多傳通儒之議比簡平反之望出陪直指之行紙上
深文快掃煩苛之弊毫端陰德自為富貴之符某猥以窮途將承
餘映倦游半世方嗟舊事之空妙扎五雲竊喜新知之厚永言感
抃曷罄敷陳

回司理賀月旦啓

張雲翽

文場薦鷄鳳欽科甲之榮縣棘棲鷲暫屈雲霄之望方用經術

而飾吏且執古道以御今果推不疑之平寬共識仲由之折獄恭
惟 某官才周世務智達人情義不辭難事奚擇地遂有詳明
之選深期審克之精民爲不寃豈積高門之慶雀寧无角宜歌行
露詩屬茲吉月之初先辱謙辭之及永言欣佩莫罄敷宣

回余節推啓

趙 承之

江城投分嘗陪觴豆之歡海國倦游猥託茵馮之契載循菲質敢
麗英流恭惟 某官天与長才日新懿德本本北方之李嗣乃家
傳循循西漢之風發爲官政蚤且登於要路晚猶客於諸侯崔李
所從主人可知其德范岑是与太守不有其功方交薦於公車佇
入趨於魏闕某粵從兩別坐想風期顧弛擔之未寧存占辭之遽
及簡書自縛徒興棠隸之思懷袖生光殊媿木瓜之報

回州縣官啓

張 欽夫

南爲祝融客方自屏於江湖郡枕子陵溪忽起分符竹雖公朝
之不棄在私義之未遑蓋退而治已尚多缺然則出而臨民其敢
率爾輒上祠宮之請且惟編簡之求豈期董慈遠貽慶問三復箴
情之美益增顏面之慙共惟 某官論議該深見聞卓異素所畜
積蔚爲瑚璉之珍暫爾淹遲莫該牛斗之氣未遂同僚之幸徒勤
仰德之懷愧感之深敷宣罔既

回陳簽判啓

高 子美

老得下州慰意豈關於朱紱賢推上佐傾心政屬於緹油慶交印之云
初省馳緘之不早詞華先逮悚汗踰增共惟 某官地望峻高天材英特
談笑剪綠竹之盜雍宓窟花縣之章茂著顯庸亟遷華要暫替真鮮
之治聊觀展驥之長惟是老成宜膺重寄拭目鼎來於駟力奮身優應
於時須其共理無堪同寮有賴知克布於嘉惠蓋獲任於長才敢
雖勤顧乏佩刀之贈追從非晚徒申別榻之恭

回鄭空啓

鄭 躬夫

承宣雷地愷悌攸聞披觀雲天翹跂以望未遑尺牘先辱駢緘雖
然以道爲懷寧不於心有愧恭惟 某官風猷卓絕器局宏深以

從容適時之才而周旋當世之務學優而仕劇裁漫試於牛刀課
最以聞識擢行膺於鳳詔某自惟塵跡素仰英標愧茲蓮幕之冗
僚窮途何取賴有花城之賢士餘潤是圖

回王都監啓

趙德莊

聞風嚮往久馳胡粵之心為米竭來乃近芝蘭之臭事雖解后榮
過平生伏惟 某官智略通明才猷敏劭策勳書劍不孤烈士之
壯心游意盡歌未覺將軍之好武久鬱中權之選猶分外府之師
羅節制於方營雖借爪牙之衛注安危於二柄佇聞鼙鼓之思某
猥以妄庸獲依光潤顧心言之未抒辱口占之已先不善操刀將
發旁觀之笑相逢傾蓋尚期忠告之私

回李監稅啓

趙德莊

廼者辱枉華輶况臨敝邑謙謙君子之德先以書辭恋恋故人之
情溢于眉宇佩金蘭之罔替愧藥餌之莫陳別去尚新瞻依如昨
伏惟 某官孝探粵閩行踵前修蕭育才能實傳名世之緒王
忱雋望雅有外家之風久專翰墨之場小試舟車之筭致屈臺於
覆篲發游刃於新硎好賢若緇衣方仰清門之盛舉士於筮庫矧
當公道之行某託契自先聞風甚美常恨登門之晚豈期游宦之
同綵服核然尚想德星之聚練冠沲若何勝風樹之悲庶相與以
盡心用無忘於永好

回監稅啓

趙德莊

倦游書劍飽聞奇士之風漫仕江湖適奉末塗之契幸非自意喜
至忘言伏惟 某官曾出故家學該益友浮湛世俗不卑筮庫之
勞跌宕功名竊笑儒冠之陋方弛張之並用雖陟側以無遺有如
從者之淹實撫影與人之誦佇期類舉往取壯圖某猥以妄庸將承
光潤顧心言之未抒辱口占之已先多病早衰永歎兼葭之倚平
生又要庶幾草木之同

回王先輩謝及第啓

王民望

伏承擢秀儒林策名仕版素缺雅問倍極驩悰惟是穆清之臣尤

高廉茂之選人浸文治術陶聖真闢衢途以待奔逸之才略華藻而收根本之學與以奧問巨目評以宗工碩生充賦者數雖三千中等者中纔一二預於此者不其榮哉而况奮飛接羽於鵠原燁燁聯芳於棣萼固為朝野之異觀坐挹淮湖之駿聲仍沐冲懷遠貽長牘其於景佩曷既喻言

回士人謝解啓

嚮必臺檄往攝文評幸獲時髦以安鄉諭切以近之取士其實不自有司蓋評之精粗有明形而理之通塞有公議如射之中也否也非我力之可以為如繪之是邪非邪亦衆目之不能掩况榮辱皆繫于此豈好惡敢私其間顧惟澗俗之尚儒尤謂毗陵之多士碩師賢守之所唱奇童茂學之所趨褒衣危冠者郵希軻雄搦毫伸紙者皆小莊老且所取者止十二數而來賦者逾三百名苟或得之可為難矣共惟 先輩足下才傾庠序氣秀湖山素亦貫穿於本源不獨玲瓏於黼藻方慶漸鴻之舉亟承汗竹之儀其在感

藏曷勝悃悃

回士人謝解啓

周 茂真

校藝棘圍標名繡榜徧里閭而交慶借縣邑以增輝伏惟 解元錦綉肺肝珠璣咳唾起文章之光焰得師友之淵源素馳譽於鄉閩果登書於天府未遑短啓先辱長牋永為篋笥之藏深乏瓊瑤之報欣承八月已穩泛於靈槎喜俟三春更高攀於仙桂

回陳將仕啓

林 清甫

彭澤請行聊適弦歌之歎單父方至何勞冠蓋之迎猥辱長牋益欽雅意况久聞鄉曲之嘉言實素推人物之評召見高年當先問益昌之政苟有貴客可同為臨印之恭

回宋掌儀啓

都騎而有貴客未為臨印之恭雙鯉而遣長牋已識玉川之意何十幅八行之駢驪无一文半字之類瑕尉籍其勤周稱太過為令尹而无素色蓋非所能見君子則降我心猶恨其晚

回士人上書啓

孫從之

師道不行於世士心幾敝乎文紛紜方覆之醯鷄汨沒既陳之芻狗揮毫萬字區區多紙上之奇開卷六經寂寂鮮曾中之蘊豈特不足遠追古人之意亦將何以近合有司之程必或反而求之乃能識其大者惟頭童齒豁之久幸自見耳聞之詳嘉與吾徒共成此事忘孟子好爲之戒顧不厚顏得戴經善李之流政應蒲志維其時矣不亦樂乎伏以 某人解元鍾慶幔亭炳靈肇夢青衿委佩屢橫黜帳於侯門白屋起家行擁卻枝於仙籍獨擅後生之可畏誰論先養之是賢翻屈上游過勤下問袖英辭而吐鳳期遠業以博鵬謙光爲之四來驕色從而一掃永懷雅好弥激懦衷温故知新要无負樞衣之礼廣仁益智庶有資發策之才感作良增喻言罔既

回縣學職事啓

桃李而作主人聊從溥宦蘭蕙以喻君子幸挹芳猷辱以長牋示其嘉貺初乏瓊瑤之報尚疑珠璧之投樽酒相逢將有論文之約厨饌莫給漸无出俸之餘

回縣學職事啓

武城而有戲言安得絃歌之笑單父而聞釣道何煩軒蓋之迎方爲新樂之知猥辱華牋之貺深虞過吝亦見高懷願精學校之勤行爲場屋之用冉求使之宰我慙居弟子之先趙德可以師君无愧衙推之請

回鄭秘校啓

林 岍塵

自遠方來始合有朋之趣見鄉人喜少寬去國之思况我輩空有相投若吾子不可多得識之已恨其晚欣然欲與之遊觀其養氣則平生之耿耿常存至於論交則輕薄之紛紛何數豈一文半字之或吝以兩紙八行之見遺明珠雖爲暗投美玉自有定價青眼以待佳士雅在夫一日之間白首而逢壯夫情將見於十載之後

回鄭解元啓

弦歌聊欲初為彭澤之行車騎其都未展臨印之敬辱君之好惠
我以文想其曾襟藏鄴侯三万軸之書能於翰墨得擬南四六集
之躰載耽方味益見高情苟以為賀又何足云至於稱善不无太
過十室之邑可使宰此未免士大夫之譏一卷之書必立師願曲
從羣弟子之請

遠迎

攀違

辭

先狀

迎蔡相裕陵還闕狀

伏審遂事西陵還轅北闕祗奉祠於虞幄行稅鞅於都闈即遂瞻
承良慰傾佇

迎文太師到闕狀

側聽德音瞻思罔老謂夙欽於勳望故渴見於儀刑詔使旆以厲
途尉邦民之延首炎暘貫序勉馳輦洛之郊飛蓋凌風佇迓宣溫
之戶某式虔在位阻候行郵伏祈上為廟朝益調寢鍊

迎鄭資政狀

伏承飭行自蜀脩覲還朝旋聞馴刻之來繼有宮祠之請雖燕安
自便聊適於雅懷而傾囑攸同未厭於輿誦念山川之眇邈丁暑
雨之祥延跂涉良勤遵頤曷若輒寓誠於竿牘庸伸敬於記曹其
在詠思併留前叙

迎文太師入覲狀

伏審肅颺台旆來覲帝庭寤寐粹容即奉清問之燕馳駟大道罔
辭次舍之勤萬春律之始和諒福襟之架固側聆車馭將角郊圻
佇遂覲瞻預增欣抃

迎韓相入闕召以南郊陪位狀

伏承顯膺嚴召聿相大祠渴舊德之儀刑留精衷之寤寐都人屬
目共瞻車馬之輝光裡燎陪容佇接珩璜之步武未階覲覲預切
忻翹

迎李戶書狀

伏審顯膺身節入覲嚴宸解全蜀之在龜臨西秦之周道抗搖

之旆將憇於近圻觀兩之符佇披於華采緬惟福襟冲裕使騎
勤煩爰冒秋炎尚留館傳即詣迎謁預切瞻翹

迎韓相自洛西由闕判北京狀

伏審肅馳大旆肆覲路朝都民係道以言瞻宸宸注懷於來見矧
惟慕厲之舊尤佇袞衣之還方冒沍寒尚勤行色異頤只寢期介
禧祥

迎戶部陸侍郎啓

伏審解符邊闡貳秩省闡方祗命以造朝已抗旌而遵道屬在暄
妍之序諒多跋涉之勤將獲披承併紆傾係其爲忻懌未易究言

迎范戶部狀

伏審顯雁召節入覲嚴宸解慶節之冰符臨西秦之驛道隼旂抗
路將覲於前騶星弁去盡簪佇聆於燕語緬惟春陽偃薄福履冲安
方筆響之尚勤異只居之益護

迎張宣猷狀

遠驅台旆育次國都朝論具依上心虛佇阻於官制莫遂郊迎莫
趨命之弗違副瞻風之已久

迎永只李宝文狀

伏審光奉宸恩易綏帥闡旌牙就道將布政於河潼車騎戒行方
指途於嶠澗矧屬睽風之久可期晤語之歡適此凜寒尚勤館款
諒惟賢德倍協和倪併俟披承悉敷翹仰

迎新守謝宝文狀

竊承使旆已次府圻諒惟涉履之勤克協康寧之福即趨侯館以
望星躔併紆膺臆之誠用釋睽違之久其爲欣仰莫獲喻云

迎呂龍圖知太平州狀

伏審肅馳戎旆將屆府城惟茲跋涉之勤尚冒炎敲之末想惟妙
養无爽太和即遂參迎庶殫蘊愒更祈保佑益副翹城

迎周漕使狀

伏承遠馳台旆俯及高郊屬時霰之紛零冒驛途之凝沍切惟行

李倍想艱勤某限官守之有常阻畿封之納謁莫加調護副是係
瞻略布柔函仰通典記

迎呂秦州狀

伏承改帥西秦解符舊陝歷關河之阻將及於雍郊均牛酒之歡
暫追於里社切惟勤勞華轡偃冒風埃德履保和道襟集社么佇
諧迎晤冀釋瞻翹倍祝養頤下符依仰

迎程參謀狀

肅驅大旆將次近垆碩慕義之無從喜瞻風之有便共惟 某官
英才經世遠略過人仰膺當守之知出任臨邊之寄折衝禦侮坐
肅蠻方第賞勳東勳徑跡法從掇承休於詔檢用參決於籌帷行
奉湛恩入居近弼某曾移書之未果忽枉教之先臨悚佩兼深敷
陳罔既

違文太師狀

伏審袞衣去國宮鑰均勞屬官制之所嬰憂郊違而莫遂瞻企旌
旆某下情不任依戀之至

違文太師致仕狀

近審勤叩冕旒上還印綬寵名烜赫崇冠於朝朝勳德嶸峨榮傳
於海宙年雖謝事忠弗忘君伏以 某官功贊萬微材兼眾甫久
告猷於丹袞早論道於黃扉百祿具膺羣工式憲凝壽齡於衛武
逾班品於裴公庸副傾祈更希調護

違兩府親王往相裏事狀

改營吉室求護輶車往馳相魏之郊暫遠宣溫之陛履聲踵武阻
接於晨朝車轄載胎適臨於春序其於仰止良用惘然冀保福襟
下符民望

違何太傅狀

比奉優恩俯從誠請起衰蹤於既老萃寵數於將歸念抱沉痾久
違英袞頃欣得謝蓋師長者之風今悵叨榮復去散人之號尚賴
至仁之寬庇暫令晚景以投閑徜徉泉石之間想象風雲之會行

雖問舍敢久駐於江湖力可造朝即再瞻於杖屨

違帥臣監司狀

竅斥三年獲省憊而託芘沂公萬里將扶病以造朝遠遠光儀寔深依戀莫緣詣別益重感慙

違蔡相出守陳州狀

伏承願解政機弗違誠請分虎符於近甸具鷁首於澄河鳴復建章阻接昕朝之步武頒春樂國作聞來暮之歌謠竦企飛旌莫違摻袂益祈珍攝副此具瞻

違韓相赴任北京狀

伏審康侯畫接初遠於彤庭星駕宵征往臨於北部方勤行邁阻待誨言久沐眷知第深怕悵韶春尚淺凜氣猶多冀保寢興少符係仰

違張資政知鄭州狀

伏審懇辭機柄求請便藩露章堅至於再二優詔暫均於勞逸久陪步武驟闊風期曷勝慕用之誠徒有怕州之恨抗旌遵路方冒履於凝嚴因駟嗣音幸相望於密邇冀加精護時龍龔餘芳顧惟禱詠之深難罄編摩之際

違呂觀文出知郡狀

伏承夙膺溫檢易鎮殊藩寬黼座之西懷庶業陰於昔愛辦嚴伊夕戒較在途屬寒律之載凝勞使程之兼鶩冀綏冲復庸副具瞻

違安樞密之朱千葬事狀

伏審賜告中宸襄事親壠辦裝有日効駕就途屬氣序之嚴凝惟次舍之勞勩願綏冲復以副眷懷

違王端殿出知江寧狀

伏審進干上聽備列至情繼復露章懇祈解政出守思里閭之樂相從憶昆弟之歡輟政中臺暫藩南服用違去旆壘肅行艫莫獲晤言何勝慘結曩司言於教龍禁茲議政於虎闈幸接襟期屢綿

歲月忽愴驪駒之別徒勤鷁首之瞻屬復秋標異頤道守

違蒲左丞出知汝州狀

伏審寄領近藩戒行南道載瞻大旆徒切於嚮風言別長亭弗諧於仲饒霜秋抄律晨袂薄寒倍祝珍調少符係戀

違王守還朝狀

伏審肅將師律出靖勾吳大振凱旋復還魏闕瞻使旌之雖適預祖帳之無從帳仰之懷敷陳罔喻

違奉使啓

出震開祥方盛惟南之祝飲冰戒道實勤自北之行諒登攬於阻長匪暇遑於興寢願加調護以副瞻懷

違奉使狀

惟月之正實重於履端有皇者華方虔於致聘頤隆久之殊凜宜夙駕以良勤莫加衛於興居用深符於鄉往

任滿辭太守狀

力職罔功曠官茲久將盈最秩即治行舟比出次於河濟適曲頰於祖道為禮厚甚撫襟瞿然屬草茁以叙違每悄依而不已歷春云晚涉道方賒莫謹保頤少符傾嚮

回兩制辭狀

伏承已飭行轅將還治所沐台躔之損挹勤騎氣以迂臨拘文阻謝於高閣有感第銘於懦悃其為瞻詠未易究言

回入國王侍郎辭狀

昨者嘗令境首預肅館久忽使騎之行過隊書函而俯及趨參莫及報謝無階深抱愧宗遂架殘歲伏審張旃遂事頊節歸朝迹象闕之靈囿違紫蒙之冰霰躬行禮落勤勩良多神想忠嘉與居甚適候先驅於毅騎謹致餘於乘車當浼記曹恭陳禮牘第祈頤愛以副詠言

回謝生日壽香狀

某偶叨顯遇茲屆誕辰念顧復以慘懷辱謙勤而示禮永言惠好

過沐輝光銘荷在中敷陳弗悉

到關與侍從先狀

領藩護塞久愧東垣之民賜詔解符亟趨北關之觀冀言遂於朝
事將造覲於高堂獲叙感藏仰依依庇敢馳緘牘敬達記曹惟斬
寬仁光如崖略

到關與侍從先狀

東垣護塞再易於歲華北關賜環行瞻於霄極佇接鷲班之後
綴因望鳧鳥之前約併道素誠少紆勤想敬馳緘牘先達記曹

太守入境與文太師先狀

此者誤交印綬爰整羈轡崎嶇初出於關中繾綣已懷於洛上
望輝光而在邇馳悃幅以良勤抃懌惟深編摩罔究

聖宋名賢五百家播芳大全文粹卷第三十九